



Халқ сўзи

Ўзбекистон —
Келажаги
Буюк
Давлат

2023 йил — ИНСОНГА ЭЪТИБОР ВА СИФАТЛИ ТАЪЛИМ ЙИЛИ

1991 йил 1 январдан чиқа бошлаган • WWW.XS.UZ • E-mail: Info@xs.uz • 2023 йил 11 август, № 164 (8507)

Жума

Сайтимизга ўтиш учун QR-коднинг телефонингиз орқали сканер қилинг.



ХАЛҚИМИЗ ЯНГИЧА ЎЗГАРИШЛАР, ЯНГИ ТАШАББУСЛАРНИ КУТЯПТИ

Президент Шавкат Мирзиёев жорий йилнинг 10 август куни иқтисодиёт ривожини, маҳаллалар ҳаёти, саноат корхоналари ва янги ишлаб чиқариш қувватлари билан танишиш мақсадида Бухоро вилоятига ташриф буюрди.



Давлатимиз раҳбари вилоятга ташрифини Баҳроуддин Нақшбанд мақбарасини зиёрат қилишдан бошлади. Курьон оятлари тиловат қилинди. Аллоҳ таолодан ўтганларга раҳмат, юртимизга тинчлик-фаровонлик тилаб дуо ўқилди.

“Сиёвш текстиль” корхонаси фаолияти билан танишди. Бу жой илгари унумсиз, буш турган майдон эди. Тадбиркорларга шароит яратиш мақсадида ҳудуд “Ғиждувон” эркин иқтисодий зонасига киритилган. Зарур инфратузилма барпо этилган бу ерда саноат ривожланди. Хусусан, “Сиёвш текстиль” масъулияти чекланган жамиятининг 36 миллион долларлик лойиҳаси ўтган ойда ишга тушди. Унда йилга 40 минг тонна акрил калава ип йиғириш қуввати ҳамда 600 иш ўрни яратилди.

Фаолиятини кенгайтириш устида иш олиб борилмоқда. Режага кўра кейинги босқичда акрил тола ҳамда ўндан тайёр маҳсулот ишлаб чиқариш тўлиқ маҳаллилаштирилади. Жами иш ўрни сони 1 минг 200 тага етади.

Президентимиз “Бухоро Агрокластер” тизимидаги бир қатор корхоналар фаолияти билан ҳам танишди. Хусусан, Бухоро шаҳридаги “Бухоро Агрокластер ДЗЗ” корхонасида сутни қайта ишлаш ва қадоқлаш йўлга қўйилган. 6,2 миллион доллар инвестиция эвазига каровсиз майдонда барпо этилган мажмуага Италия ва Россиядан ускуналар келтириб ўрнатилган. 2021 йилда очилган корхонада бугунги кунда йилга 22 минг тонна сут қайта ишланмоқда. Ундан тайёрланаётган кефир, сут, пишлоқ, йогурт, қаймоқ, сметана каби маҳсулотларнинг тури қирқдан ортиқ. Корхонада 150 нафар аҳоли доимий иш билан таъминланган. Президентимиз бу ердаги иш жараёни ва маҳсулотларни кўздан кечирди.

Иш кўлами ва даромаднинг ортиши кластер фаолиятининг кенгайишига хизмат қилади. Мажмуа ҳудудида янги иншоотлар қурилди. Хусусан, корхона тизимида ер майдонлари унумдорлигини аниқлаб берувчи замонавий лаборатория ишга туширилди. У Германиянинг замонавий технологиялари билан жиҳозланган. Бу ерда тупроқ таркибидаги қирқдан ортиқ, сув таркибидаги ўнга яқин кўрсаткичларни аниқлаш имконияти мавжуд. Бухоро вилояти экин майдонларининг шўрланганлик даражаси бошқа ҳудудларга нисбатан юқори. Хосилдорликка эришиш учун тупроқ таҳлили нҳоятда зарур. Бу лабораторияда тупроқнинг кимёвий таркиби ўрганилиб, шу орқали ўсимликларнинг минерал ва органик ўғитларга бўлган талаби аниқланади. Тупроқ хоссалари, шўрланиш даражаси ҳам ўрганилади. Унинг натижалари асосида ерни меъёрлаштириш бўйича чора-тадбирлар қўйилади.

Бу ерда шакллантирилган маълумотлар корхонанинг яна бир лойиҳаси — “Agro Smart Map Uz” платформасига юклаб борилди. Шу маълумотлар асосида ер эгалари керакли агротехнологик тавсиялар олади. Давлатимиз раҳбари лабораториядаги шароитлар билан танишди. Президентимизга “Бухоро Агрокластер”нинг бошқа лойиҳалари ҳақида ҳам ахборот берилди.

Янги ҳаёт учун, Янги Ўзбекистон учун!

ҒОЙИБДАН КЕЛАЖАК БАХТ — БИР АФСОНА...



Президентимизнинг 2023 йил 27 июлдаги “Ўзбекистон Республикаси давлат мустақиллигининг ўттиз икки йиллик байрамга тайёргарлик кўриш ва уни ўтказиш тўғрисида”ги қарорини халқимиз кўтаринки руҳда кутиб олди. Чунки истиқлол Ватанимизнинг ижтимоий-сиёсий, маънавий-маърифий ҳаётида бутунлай янги даврни бошлаб берди. Дунё харитасида Ўзбекистон Республикаси — янги суверен ва мустақил давлат пайдо бўлди.

Миллий тикланишдан — миллий юксалиш сари

Мустақиллик йиллари халқимиз учун ўз тақдирини ўзи белгилашдек буюк имконни бериши билан бирга, собиқ иттифоқ замонида йиғилиб қолган муаммоларни ҳал этиш, ўз йўлини топиш, ички ва ташқи таҳдидларга бардош билан қарши туриш, синовларда тобланиш даври ҳам бўлди. Шу маънода, бу даврда кўлга киритган ютуқларимиз ҳам, бой берган имкониятларимиз ҳам ўзимизники. Улар — тарихимизнинг бир қисми. Орттирилган таъриба ва чиқарилган хулосалар бугун йўлларимизни ҳудди йўлчи юлдуз каби ёритиб турибди.

Бу йилларда давлат мулкни хусусийлаштириш, мулкнинг турли шакллари ва кўп укладли иқтисодиётни қарор топтириш, унга мувофиқ мулкдорлар қатлами, айниқса, ўрта синф шаклланиши бошланди. Бу жараён анча зиддиятли кечди.

Олий Мажлис Қонунчилик палатаси кўмиталарида

САРҲИСОБ, УСТУВОР ВАЗИФАЛАР ВА МУҲОКАМА

Олий Мажлис Қонунчилик палатаси Фуқароларнинг соғлигини сақлаш масалалари ҳамда Халқаро ишлар ва парламентлараро алоқалар кўмиталарининг 2023 йил биринчи ярим йилликдаги фаолияти сарҳисобига бағишланган брифинг ўтказилди.

Ҳисобот даврида Фуқароларнинг соғлигини сақлаш масалалари кўмитаси қонун ижодкорлиги йўналишида 2 та қонун лойиҳаси учун масъул бўлди. Утган даврда Фуқаролар мурожаатларини ўз вақтида ва тўлиқ ўрганиш ҳамда улар юзасидан қонуний чоралар кўришга устувор вазифа сифатида эътибор қаратилди. Шунга кўра кўмига номига келган жами 184 та мурожаат қонун ҳужжатларида белгиланган тартибда кўриб чиқилди. Жорий йилнинг биринчи ярим йиллиги давомида кўмига томонидан жойлардаги тизимли муаммолар бўйича фуқаролардан тушган мурожаатларни ўз вақтида ўрганиш ва ҳал этиш бўйича муайян ишлар қилинди. Хусусан, 184 та мурожаатнинг 131 тасига ижобий ечим топилди.

Ҳисобот даврида Халқаро ишлар ва парламентлараро алоқалар кўмитаси қонун ижодкорлиги фаолияти йўналишида 2 та қонун лойиҳаси-га масъул бўлди.

